

Lô Sadè è la Froemie

(La froemie ye lô journal)

- Sadè : (intrè) Bondzô Madama la froemie. O ooo tye fi bon tzâ tche tè !...
Yanmèré bien pasé l'oevè avoui tè... Chè tan bio !... On derai lô Palè dè
la Réna d'Angleterre. E mioeu tyè tô sin, chi manké dè rin. Di la
kâva
u grenai lè tô bien garnai !...
- Froemie : Bondzô Moesioe lô sadè vè !... Se avoui ton gro sâbrô u tyu toe tè muzè
d'itrè partô bien rèchu, toe tè trompè. La première tzouza, toe vâ mè
derè min ti intro a la kêva è u grenai ?... Lè tô kôto a so. La kêva avoui la
farmire è lô grenai avoui lô chèpon. Vouai savai kouemin ?...
- Sadè : Sai pâ aito ni a la kêva, ni u grenai. Mi avoui sôse, pouai tô savai sin vè.
(Sortè lô pendule).
- Froemie : Toe mè fi rirè... Avoui hla kroye tzénèta de tchura, sébin tye toe poeu
savai ?...
- Sadè : Pouai vè na mase dè tzouzè... Churtô pouai vè se ti in bona santé, u se
t'â dè kalamité ?...
- Froemie : Dè kalamité ?... Kan sai in fase dè tè n'in vèyô n'a bèla, dè kalamité !...
- Sadè : Hè, hè... Toe mè kôgnè pâ bien ?... Yô, yaitô pâ tô l'an katcha din na
tâna !... Vôyâdzô lô mondô. Yin né dza pendulo kêtiè badiè ! Si tzâtin, yé
enkô pendulo, toe dévinnè pâ ko ?... Brigitte Bardo !...
- Froemie : Ho, ho... Brigitte Bardo ?... (de ri) Di mè vi on mouai tye t'â fi si tzâtin ?...
- Sadè : Si tzâtin, yin né fi dè bèlè tzouzè !... Mè sai prômeno, yé tzanto, yé
soeblo, mè sai démôro. E lô komblô, sai aito in vâkanse avoui Brigitte
Bardo, tan tyè kan n'in ju tô kouero !...
- Froemie : Y'anmèré bien avouirè kâkouenè dè hlè tzanson.
- Sadè : D'akô ! Vé t'in tzanté vouena tye n'in tzanto din lô bato avoui Brigitte
Bardo, su la mè Rôdze.
- Froemie : Tzanta, tzanta, t'atyoeutô !...
- Sadè : (Tzantè : Bercé par la houle).

- Froemie : Apri tôte hlè foueleyè : Lô bato, lô chan, la vouale, la loena è li z'etailè
Min sin sè fi tye toe l'â plakâye ?...
- Sadè : La plakâvô rin !... Mi lè vènu on meleyardèrè aleman, y'a fi on mouè dè
kan kan, è san partai man din la man, sin derè arèvouè. Toe vai
kouemin !...
- Froemie : Sin m'étonè pâ !... La Bardo, dè pâ krétyâna. De sè débetaye tye d'ai
afire a on mintou, kouerioeu, gaban, gouerman è fènèyan.
- Sadè : Fi atinchon sô tye toe di ?... Pouai alé, è tè firè alé, pè dèvan lô
tzâtèlan !
- Froemie : Vâ lô pye visto poesiblô, tche lô tzâtèlan. E vôra, pâsa la porta !... Va
tréné ta vouarmena pè la kramena. E di kayonèri tye t'â fi, toe tin
rèpintèri a l'ezi !...
- Sadè : Ti tra petiouda pô mè firè pouaire ! Yaitô se ! Partô pâ, t'â komprai ?...
- Froemie : Toe tè trompè ! Se, lè yô, tye kouemandô !...
(De prin la dama dè la choekroete, è via apri).
- Sadè : (Via a galô) A sôkô, a sôkô, de mè tyô. (Mouese dézô la tâbla).
- Froemie : Foura dè dézô la tâbla, atramin tè fôtô la timbarlo !
- Sadè : Saupli, tan saupli, Madama, intita mè pâ ! Ye sortô !
- Froemie : Foura in vitèse. Pouai vedè-tè, dè pâ torné rapache parse, atramin lè la
mâ, toe sâ tyè !...

Redio